



VEXIL·LOC



.....

APPEL À PROJET
Hymne & Drapeau

REVISTA OCCITANA DE VEXILOLOGIA N°30

Du 7 nov. ISSN 2117-9166 2023



Vexil'Òc.
Revista occitana de vexilologia,
creada en 1997
per Joan Francés Blanc.
ISSN 2117-9166.

N°30, 2023, 18 paginas.

En linha (véder darrèra pagina).

Bibliotèca nacionau de França:


<http://catalogue.bnf.fr/ark:/12148/cb42484907z/PUBLIC>

Imatges de cobèrta: cartèls e bandièras per Lula, deputats d'Utah amb la propausicion de bandièra nòva, aficha pel concors de la bandièra de Madinina.

Retrobatz Vexil'Òc suls las sàrcias socialas:



Facebook: <https://www.facebook.com/vexiloc>



Mastodon: [@vexiloc](https://occitania.social/@vexiloc)

Ensenhador

Un tricolòr vertadièr (Joan Francés Blanc)	4
Lo virasolelh imaginari (Joan Francés Blanc)	8
Estats d'Etiopia (Joan Francés Blanc)	11
Tornada al locatan (Joan Francés Blanc)	13
D'estats per cambiar (Joan Francés Blanc)	15

Retrobatz Vexil'Òc suls las sàrcias socialas:

Instagram e Threads: en cors de creacion



Twitter: https://twitter.com/vexil_oc

Un tricolòr vertadièr

Joan Francés Blanc

Longtemps lo pòble de Madinina (nom carib de Martinica) foguèt forçat d'auborar una bandièra que los enfants d'esclaus consideravan coma vergonhosa. Es pas la bandièra francesa, mas aquela dicha dels sèrps, que fusiona una varietat de l'anciana bandièra del reialme de França e quatre sèrps del gènre *bothrops lanceolatus*, dich *bèt-long* o *kravat* en creòl (*trigonocefal* en occitan).



Lo trigonocefal (*bèt-long*, *kravat*)



Bandièra navala del reialme de França
(version de 1689)



Bandièra de las sèrps

Dins las annadas 1960 comencèt d'èsser utilizada la

bandièra independentista de tres colors inspirada de la bandièra panafricanista de Marcus Garvey.



Colors panafricanas



Bandièra independentista

Bandièra del consell regional de Martinica (1972-2015)



(1825-2015)

Abans 2016, l'illa èra a l'encòp un departament d'otramar e una region. Cada collectivitat territorial auborava son logò que se trobava tanben sus lor bandièra, del fons blanc. En 2016, las doas collectivitats fusionèron e Madininá venguèt una collectivitat d'otramar. Se causiguèt un logò que representa l'illa e tanben un colibri. Es aquel logò qu'es ara sus las placas d'immatriculacion del numèro 972. Pendent tot aquel temps la bandièra de las sèrps demorava mièg-oficiala,

utilisada qu'èra per exemple per la gendarmeria.



Bandièra utilizada dins las competicions internacionals per la federacion martiniquesa de takewondo

Bandièra de la collectivitat territoriala de Martinica



*Bandièra de l'ipseïtat
2019-2021*



Bandièra del colibri, vencedoira del concors de 2022-2023, que son autora finalament renoncièt en seguida d'una campanha de seutament.

Aquela persisténcia de la bandièra de las sérps agradèt pas al president del conselh executiu de la collectivitat que decidiguèt d'organizar un concors en 2018. La bandièra de l'ipseïtat, creada per Johnny Vigné, es causida e presentada lo 10 de mai de 2019. Pasmens, aquela decision es anullada lo 15 de novembre de 2021 pel tribunal administratiu, que la causida de la bandièra es pas de la competéncia del president, mas puslèu de

l'assemblada de Madinina, lo còs deliberatiu de la collectivitat territoriala.

Un autre concors es organizat a la fin de 2023, e la votacion de 16 de genièr de 2023 dona a la bandièra del colibri d'Anaïs Delwaule una majoritat de 72,84 % de las votz, davant la bandièra independentista.



Bandièra independentista a Santa Anna de Madinina (2008).

Pasmens, aquela bandièra es fòrça criticada sus las sàrcias socialas. S'enseguís çò que la vencedoira Anaïs Delwaule considèra coma una campanha de securitament. Tre lo 23 de genièr, decidís de se retirar. Es la bandièra independentista, arribada segonda, que ven designada. Lo 3 de febrièr de 2023, la bandièra es adoptada oficialament per l'Assemblada de Madinina. □

Lo virasoleh imaginari

Joan Francés Blanc

S'acaba l'annada 2023 amb un canvi estonant Quirguistan, en Asia centrala, ven de canviar lo motiu central de sa bandièra, que se garda las meteissas colors: un fons roge e un motiu daurat. Lo pretèxt? Lo motiu actual revertariá un virasoleh qu'es un simbòl aule dins l'imaginari quirguiz. I cal probablement veire mai una distraccion inventada per l'autocrata installat per una « revolucion » en 2021, Sadir Japaròv.



Comparason entre un virasoleh e la bandièra (Kloop, mèdi en linha).

Per remplaçar los rais un chic torçuts, se presentèt un projècte dels rais dreches, que lo president acceptè pas complètement, que demandèt un roge mai encre.



A esquerra, lo primièr projècte propausat pel parlament.

Al centre, lo projècte propausat pel parlament.

A drecha, lo motiu final adoptat pel parlament.

Un segond passatge davant lo parlament apondèt una linha sul motiu del teulat de iorta, alonhant Quirguistan del Vietnam del Sud e lo sarrant de Catalonha.



La bandiéra novèla adoptada lo 23 de decembre de 2023.

De notar que *Koop* simboliza melhor l'estat actual de la democracia al Quirguizstan.



La bandiéra dessenhada per Koop.



Kloop

@kloopnews

...

🇰🇬 Борец Жоламан Шаршенбеков выступил против изменения флага

«Я — против изменения флага. Президент Садыр Нургожеевич пообещал, что не будет затрат из-за изменения флага. У меня есть старый флаг. Новый не собираюсь покупать. В будущем буду выступать только под старым флагом», — сказал он в интервью изданию Kaktus.media.

Traduït del: rus per Google

🇰🇬 El lluitador Zholaman Sharshenbekov es va pronunciar en contra del canvi de bandera

"Estic en contra de canviar la bandera. El president Sadyr Nurgozhoevich va prometre que no hi hauria costos per canviar la bandera. Tinc una bandera antiga. No me'n compraré cap de nou. En el futur, actuaré només sota la bandera antiga", va dir en una entrevista a Kaktus.media.



Nos informa tanben *Kloop* que mai d'un esportiu declarèt ja que gardariá la bandièra « vielha. » Veirem ben.



Estats d'Etiòpia per Joan Francés Blanc

En Etiòpia, l'annada 2023 vegèt la dissolucion definitiva de l'estat regional o region de las nacions, nacionalitats e pòbles del Sud creat en 1994.



L'estat regional de las nacions, nacionalitats e pòbles del sud de 1992 a 2020.



Bandiera dels Pòblos del Sud



Emblèm dels pòblos del Sud

Aquel estat ocupava abans 2020 112343 km² al Sud-Oèst d'Etiòpia. Se'n tirèt un primièr tròç en 2020 per crear

l'estat regional de Sidama. En 2021, se'n separèt l'estat del Sud-Oèst.



Bandiera de l'Estat de Sidama



Bandiera de l'Etiopia del Sud-Oèst



Bandiera de l'Etiopia del Sud



Bandiera de l'Etiopia Centrala

Enfin, en 2023 la rèsta foguèt devesida entre estat de l'Etiopia del Sud e Estat de l'Etiopia Centrala.

Sabèm pas se lo procès de multiplicacion dels estats d'Etiopia se perseguirà. Cal sonque rementar que i a tanben de tendéncias independentistas fòrtas al Tigrai, en Somalia Occidental e en Oromia. L'emancipacion d'Oromia, que representa una zona pro espandida al bèl mièg de l'Estat significariá l'explosion de l'estat etiopian.



Tornada al locatan

Joan Francés Blanc


Totes sabon pas que i a dos païses que se dison Etats Units en America del Nòrd, los Estats Units d'America, coneguts coma « America » o coma USA e los Estats Units Mexicans coneguts coma « Mexic ». La natura federala de Mexic es estada mens o mai presenta dins l'istòria del país, mas globalament l'estat central sabèt impausar de restriccions de las fòrtas sus l'emplec de simbòls pròprios dels estats federats.



Locatan al s. XVIen

Locatan (Yucatán en espanyòl) es una tèrra a despart per l'istòria: souguèt lo territori dels Maias, escampilhats a


l'arribada dels conquistaires espanyols en pichons estats de bon vécer. Al començament de la descolonizacion (tras que relativa, que los descendents d'espanyols se gardan lo poder) una republica de Iocatan que correspond censat a la peninsula es proclamada en 1823 e se federa gaireben sulpic a Mexic. En 1835, l'estat mexican ven centralista e aquò agrada pas al Iocatècs, que pensan a l'independéncia.



Departaments de la Republica de Iocatan en 1808

Aquela independéncia es proclamada en 1841, dins un espaci que correspond al Iocatan istoric mens las parts

annexadas a Guatemala e al Onduras britannic (ara Belice). Una primièra intervencion armada de Mexic restabliguèt l'autoritat del govèrn central en 1842.



Bandiera de la Republica de Iocatan, las colors de Mexic e las estelas que simbolizan los cinc departaments de 1840.

Pasmens, las concessions fachas als Iocatècs son rapidament anulladas pel parlament mexican, e Iocatan torna proclamar l'independéncia lo primièr de genièr de 1846. Aquela independéncia, dins lo contèxte de la guèrra entre Estats Units e Mexics, crea una situacion caotica. Primièr, amb dos govèrns iocatècs, un a Merida e l'autre a Campeche e segond, amb la revòlta dels maias, que cujan se desbarrassar dels descendants dels colons espanyòls. Aquestes demandan finalament l'intervencion de Mexic que recobris l'autoritat sus Iocatan a la fin de 1848.

Après aquò, calguèt esperar 2023 per véser ondejar la bandièra iocatèca: lo 8 de mai lo senator Jorge Carlos Ramírez Marín faguèt votar una modificacion de l'article 116 de la constitucion qu'autoriza desenant los estats a arborar una bandièra. Lo 21 d'agost la bandièra ondeja dins lo cèl de la capitala Merida.



D'estats per canviar

Joan Francés Blanc

En 2024 dos estats dels Estats Units d'America van canviar de bandièra: Utah e Minnesota. Ne parlarem mai dins un número venent, nos cal sonque regaudir que s'agèssen causit un desbois mai conforme a las règlas de la vexilogia.



*Bandièra actuala de l'estat d'Utah
(dempuèi 1913)*

*Bandièra actuala de l'estat de Minnesota
(dempuèi 1983)*



Bandièra de l'estat d'Utah a partir del 9 de maig de 2024.

Bandièra de l'estat de Minnesota a partir de l'11 de maig de 2024.



Dins lo numéro venent

Lo numéro venent deuriá paréisser la mièg de 2024. I parlarem mai en detalh de las bandièras d'Utah e de Minnesota.

Tanben parlarem:

- Dels emojis e emojos de bandièras sus las sàrcias socialas
- Del sit Bandiere Sabaude

E trobaretz una entrevista d'un vexilòg american amator de bandièras occitanas. Coma dison ailà, *stay tuned*.



Ancians numeròs:

<http://bandieras.free.fr/vexiloc>



Imatges e cartas de còp tirats de:
Flags of the World, ISSN 1712-9842,

<https://www.crwflags.com/fotw/flags/>

Wikipèdia, <https://oc.wikipedia.org>

VEXIL'ÒC



REVISTA OCCITANA DE VEXILOLOGIA - ISSN 2117-9166
N° 30 - 2023



APPEL À PROJET

Hymne & Drapeau

Redaccion e compaginacion acabadas lo 30 de decembre de 2023.

